



來會理先生著

中華基督教會
二十五
年小史

246173
AX

中華基督教青年會二十五年小史

目錄

緒言

第一時期

一八九五至一九〇一年

第二時期

一九〇二至一九〇七年

第三時期

一九〇八至一九一三年

第四時期

一九一四至一九二〇年

結論

中華基督教青年會二十五年小史

來會理著

中華基督教青年會二十五年中之由漸發達。可劃分爲四時期。第一時期自一八九五年起。以一九〇一年爲終結。第二時期以一九〇七年爲終結。第三時期以一九一三年爲終結。第四時期以一九二〇年爲終結。

第一時期。多注力於服務工場之調查。是爲探索路徑時期。

第二時期。與各界接觸。就調查所得之事實。開始進行。

第三時期。各地已辦之事。益加擴張。青年會之成績。已能與人以共見。是爲會務擴張最神速之時期。

至最近一時期。全國各青年會。均集注精力以整理其初步所得之效果。是爲顯著之內部發展時期。

此四時期。可依次按其性質。而分爲探檢時期、調集時期、前進時期、鞏固時期。或分爲調查、試辦、擴張、增強、四時期。亦無不可。本篇宗旨。非欲詳述其歷史上之事實及成績。特欲取青年會所以有今日之根本旨趣。揭示於人。觀往知來。可借鑑焉。

第一時期 一八九五至一九〇一年

紐約之北美青年會協會。於一八九五年。始派一幹事來華。促成此舉者。有下述之三因。

(一) 北美基督教學校青年會辦法推行於中國各地。頗有成效。最初試驗者。爲福州英華書院。次爲北通州之通州書院。又次爲杭州育英書院。以上各校之提倡學校青年會者。皆西國教士。因其爲學生時。曾爲青年會會員故也。此三處青年會之成立發達。及其他繼續設立之青年會。旋爲北美協會所聞知。此其派遣旅行幹事來華之第一原因也。

(二) 北美青年協會之決意派遣一幹事來華。審察情形。以覘推廣青年會事業於中國之時機。是否成熟。其動機在於中國已有三數學校青年會之設立固矣。顧當時東方各國。倘非表示歡迎青年會之態度。北美協會亦未必毅然出此也。維時魏夏德君銜命東來。專事旅行調查。約歷四年。多注意於布道事業繁盛之各大都會。藉是得與多數西教士。與中國基督徒相接觸。且能目覩中國少年之生活狀態。既而返美。感觸極深。確信北美協會應負協助中國各地建設學生青年會之責任。

(三) 中國各教士之迭次聯合。請求於北美協會。此項請求。有於魏夏德君未到華以前。提

出者。有於來華觀察時。及觀察以後提出者。北美協會之檔冊中。至今尙存有當日北京漢口烟台天津上海等處各教士之請願書。此外有較地方教士團體之請願更關重要者。則爲一八九〇年集於上海之教士大會。所通過之一決議案也。該決議案所表示者。西教士一致贊成青年會之宗旨。且對北美協會爲聯合之請求。請其遣派代表來華。將在美辦有成效之青年會事業。推行於中國。

顧吾人宜注意者。當時之中國教會。尙不覺悟設立青年會之重要。故並未與於請求之列。北美協會既得此等請願書。遂於一八九五年。特命著者來華。爲第一幹事。著者於是年十月五日抵中國。時請求開辦青年會者。初非一地。何去何從。實爲當前之困難問題。無已。乃研究各地請願書。就所述之情形。詳加比較。何處爲最有希望。乃於十一月內。決定先在天津駐足。以其時天津教授西學之各學校。組織頗有系統也。時天津有官立之大學高等學校等五處。學生共約五百餘人。均係由各省考選之聰俊之士。著者因在此五百人中。組織一青年會。是爲一八九五年之十二月八日。此青年會繼續辦理。凡歷五年。後至庚子拳匪之亂而無形解散。維時北洋醫學及北洋大學之學生。均甚熱心於青年會會務。特於一八

九六年之春。舉行購地募捐運動。以備建造會所。適於此時。美國虔誠奉教之推勒夫人來華。聞各學生歡迎青年會之熱忱。慨然獨任建築會所之款。故地基購定後。卽行鳩工起建。一八九七年之六月六日。新會所落成。舉行開幕典禮。是爲中國官學生第一有組織而根基確立之事業也。而青年會之推行社會性的事業於中國。亦以此爲嚆矢。

當是時。世界基督教學生同盟。初經成立。穆德先生被舉爲總幹事。先生因於一八九六年夏秋之交。第一次來華。與著者循視各地重要之教會學校。循視之結果。除已有之學校青年會當時名曰學塾基督教會五處而外。更組織成立者凡二十二處。是年共計學校青年會二十七處。

於十一月三至五日。各派代表。集會於上海。組織所謂『中國學塾基督幼徒會』者。是卽此二十五年中繼續召集至八次之青年會全國大會之第一次也。會中選舉一總委辦。其職務（一）巡視各地已經組織之青年會。（二）於適宜之地。提倡組織新青年會。（三）爲青年會職員組織會務練習會。（四）預備適用書籍。以促進學生之宗教生活。

中國青年會首先刊行之報章。爲『基督會報』。但祇於一八九六年之六月。一次出版而已。一八九七年之三月。『學塾月報』出版。此報除庚子年數月之外。繼續進行。由漸發展。雖經

數易名稱。先則改爲『青年』。後復改爲『青年進步』。然其宗旨與精神則一。其前途正未可艾也。

第二次全國大會。在一八九九年之五月十九至二十二日。集於上海。第三次大會。在一九〇一年之十一月。集於南京。在此大會中。穆德先生亦與焉。時則高麗與香港。均加入中國青年會運動。與中國合併。韓國之繼繼爲中國青年會之一份子者。凡歷十一年。

一八九八年。格林路義思巴樂滿三先生先後來華。任青年會幹事之職。翌年蘇森 W. G. Southam 先生來華爲中華青年會服務。

當時青年會之全國運動計畫。雖未包含城市青年會。顧於一八九九年之六月六日。上海開始組織城市青年會。爲居留之中國商人謀幸福。是爲市會最初之試驗。

此時期以嚴格言之。可稱爲探檢時代。當時青年會之活動。無非向各處尋覓相當之地盤而已。方青年會之來華也。自信對於學生界。負特別之使命。至一九〇一年之冬。乃覺欲爲學生界造福。須採較新之方法。否則青年會工夫。勢將僅限於教會學堂之內。此外中國各地極有勢力之學生團體。將無以兼顧之。此等學者。散布各省。數約在百萬以上。未容忽視。

也。又開闢商埠之各地。每多已受教育之子。青年會允宜對之作有力之服務。顧就當時情形言之。除少數之中國基督徒外。青年會三字絕少知者。青年會處此時代。正有類暗中摸索。企得光明也。

第二時期 一九〇二至一九〇七年

第四次大會以一九〇二年五月二十六日集於上海。青年會全國總機關之範圍。當時加以擴展。其名稱中之『學塾』二字。決議取消。而使之包含各界之青年。並改去幼徒會名稱。曰『中韓香港基督教青年會』。其總機關定名『總委辦』（即全國協會）云。

當此次大會未召集之前。天津香港二處。已照上海辦法。試辦城市青年會。自此而各大城市。皆爭相試辦。至一九〇七年之終。青年會之幹事。除上海天津香港三處外。如北京、漢口、南京、福州、廣州。以及遼遠之成都。皆有其蹤跡焉。

此一時期中。西幹事之人數大增。所有各青年會。除上海青年會爲自建會所外。其餘皆租屋爲會所。按上海青年會會所之正式開幕禮。舉行於一九〇七年之十月三日至八日。同時次要之城市。亦有組織青年會者。惜無曾受訓練之幹事。故其結果未見美善。因是而

協會決定方針。此後各地苟未有飽經訓練之幹事人才。則於組織青年會一事。概不加以鼓勵。

在本時期之初。有若干處青年會。其董事部中。有少數對於青年會深表同情之西人。迨夫此時期之終。則董事部董事。無復西人之蹤跡矣。一九〇七年之末。華幹事由三人增至十六人。華幹事之第一人爲曹雪賡君。君於一八九九年投身青年會。一九〇四年由上海青年會派赴美國華盛頓練習會務一年。今之服務於青年會者。多數有派赴北美練習之機會。然當時曹君之被派。實爲此一政策之起點也。

此時期內。又開始試辦田徑賽之運動大會。一九〇二年。天津上海二地。舉行每年一次之運動會。雖所比賽者。甚覺幼稚。而初次試辦。已爲大衆所贊成。注意其效果之佳。以天津爲最。是實與官立學校學生訂交之良機也。

一九〇四年。初次召集學生夏令會。蘇州則聚於東吳大學。名曰江南學生夏令會。會期七月十五至二十五日。到會人數六十名。山東則聚於青島。名曰山東學生夏令會。會期七月二十三日至二十六日。到會人數二十一名。以上二處之夏令會。賡續舉行。氣象日盛。

在以上二處正式召集第一次學生夏令會之前。一八九六年八月二十三日至十一月七日。穆德與著者。已曾召集學生會數次。一八九八年五月。復於煙台爲學生開會數日。是年十一月二十五至二十七日。會於北通州。一九〇四年六月。會於金陵。凡此會議召集之初。當事者或惴惴然抱懷疑之態度。顧以後此之成績觀之。則深信此等會集之確有實益。無復疑慮矣。一九〇二年之終。學校青年會共有三十六處。會員一千七百二十九人。乃至一九〇七年。學校青年會增至四十四。會員增至二千七百六十七。所以有此迅速之進步者。推究其原因。學生夏令會與有力焉。

一九〇二年。金陵大學特爲該校青年會建立會所。

一九〇五年。中國學生之留學日本者甚多。遂設留日中國青年會於日本東京。爲若輩學生盡扶翼指導之責。該會創立以來。成效昭著。其第一幹事。爲王君正廷。任事於一九〇六年之春。

一九〇二年之十二月十五日。開始向學界作特別工夫。時饒柏森先生初來華。適逢江南鄉試之期。饒君遂赴南京。用科學方法。作特別講演。藉是爲晉接赴試諸生員之媒介。旋饒

君赴天津。對於此種講演活動益加整理。大收奇效。

本時期先後凡七年。此七年之內。協會深覺有擴充其任務之必要。故於一九〇二年一月一日。組織事務所於上海。增添幹事人數。以期集中其勢力。作聯合之進行。明年秋。聘謝洪寶先生爲編輯幹事。既而先生聲譽日隆。全國公認其爲近代中國基督教著作家之第一流人物。

一九〇七年三月十九至二十二日。集第五次大會於上海。斯會之所最堪注意者。卽除兩來賓（北美協會總幹事摩爾斯先生及世界學生同盟總幹事穆德先生）而外。其餘主講者。皆中國有名之士。卽此一端。可見當時會員。已覺悟中國青年會會務。其責應由中國人負之也。在本次大會中。青年會總機關名稱中之『香港』二字。決議刪除。惟香港會務。則仍繼續由中國之總機關監督之。

其時青年會與各界非基督徒之領袖。頗多接觸。雖此等人之對於青年會。尙不無懷疑之處。以爲是特外人設立之機關。有特別之用意。然此種態度。在善察大勢者觀之。則頗以爲可樂之事。因知社會人士未嘗不注意於青年會之舉動故也。

一九〇七年上海有西教士大會。大會中決議對於青年會所爲事。一致表示欽敬。同時又勉勵青年會振作精神。奮力前進。青年會同人聞之大爲鼓舞興起。

第二時期 一九〇八至一九一三年

在以前二時期中。城市青年會之成立或在籌備中者。雖有數處。然究不足與本時期之推行廣遠相提並論也。本時期間開始青年會工作者。在北部則有奉天、岫巖、吉林、太原、保定、濟南。在中部則有武昌、長沙、南京、杭州。在南則有廈門。在西南則有雲南。會務之發展如是。幹事人才當然需用孔急。是以一九一三年之冬。西幹事增至六十六人。華幹事增至六十八人。皆全力辦理會務者也。

此時期中。北美青年會對於中國之青年會事業。發生較大之興味。相與爲中國各地青年會建造會所而募捐。共募得美金五十萬圓。惟地基則均由華人自購之。時則北京會所建築告竣。香港東京二處之學生事業會所亦落成。一九〇九年上海天津二處均舉行短時期的建屋募捐運動。其結果上海募得六萬五千兩。天津募得四萬二千五百兩。爲數之巨。在中國青年會史上。固空前之盛舉也。

當是時。晏士納醫博士來華。充體育幹事之職。博士於一九〇八年之十一月十七日蒞中國。卽於上海青年會之健身房。組織教練班。教練體育幹事人才。以應各地青年會之需要。時中國每年舉行之運動會。益爲社會士夫所歡迎。其在上海天津等處舉行者。來觀者約有七千餘人。一九一三年。遠東運動會第一次舉行於菲律賓。指導而提倡之者。以中國青年會之力爲特多。

協會之有講演部。始於一九一一年。該部設立之宗旨。欲以大規模之講演計畫。博得全國政商學界對於青年會之信仰。藉是爲青年會開闢新徑。俾能順利進行焉。

一九一一年。艾迪博士來華。舉行大布道。所過名城。無慮十處。得簽名查經之士約二千人。越二年。又與穆德博士偕來。舉行布道於十三城中。決志研究基督教者七千人。

一九一三年七月十三日至二十三日。舉行第一次童子事業會議及童子營於莫千山。

一九一二年五月七日至十四日。第一次召集全國青年會幹事大會於上海。此會最重要之結果。卽於閉會之日。組成一『中華基督教青年會幹事會』之團體。此團體成立以來。曾召集全國幹事大會二次。

學生立志傳道團發起於北通州之學生會。丁立美牧師被選爲該團旅行幹事之第一人。時則一九一〇年六月二十三日也。泊夫一九一二年十二月十二至十五日青年會第六次全國大會集於北京之時。該團已組織完全。呈報協會。而與協會有系統之關係。按此項活動。當一八九六年第一次全國大會集於上海之際。穆德先生已會於此種計畫有所獻議。第時機尙未成熟耳。

先是學生會之使員。大抵由教會學校而來。在本時期中。則始講求所以使官立學校學生與會之方法。一九一一年七月九日至十六日。第一次專爲官校學生舉行之學生會。召集於北京之西山臥佛寺。翌年繼續舉行。至一九一三年。官校學生與教會學校學生聯合集會之時機已成熟。故卽合併舉行。自是而後。遂以合併舉行為定例。迄至於今。頗有足令人滿意者。

在此時期中。又注意於爲留學歐美學生舉辦青年會事業之重要。故卽設備機關。不獨於彼等起程之前。予以種種之助力。更於彼陸登岸之際。爲籌種種之方便。一九〇九年九月二至五日。中華基督教留美學生會成立於美國紐約之海密爾頓。翌年留英學生會又成。

立此留美留英二學生會。每年舉行定期會議。會務設施多所發展。一九一三年美國干色斯州舉行學生立志傳道團大會。該會對於中國留學生開一特別會。其結果則中國學生之立志於歸國後終身服務基督教事業者共六十一人。

協會編輯部。於此時期內大爲奮興。聘有受大學教育而有編輯長才者。如胡君貽穀奚君伯綬。皆來該部辦事。是時『青年』雜誌頗見暢銷。方一九〇九年之正月計銷三千七百份。而一九一一年則已增至七千份。遂爲當時中國基督教報紙之銷路最廣者。訂閱之人徧於十七省。而滿州、香港、日本、美國亦多定購者。一九一一年爲謀推廣編輯部之功用。使能普及各界各社會。乃創辦『進步』雜誌。此雜誌之性質頗與講演部相同。蓋欲藉此而與國中之上流人物接近。以是爲擴張青年會事業之張本也。

一九一二年十二月十二至十五日集於北京之第六次全國大會閉會後。全國協會之擴張計畫大見奮興。當時青年會總機關之名稱重經改定曰『中華基督教青年會組合』。(協會第二舊名稱)又以此次大會之終。青年會已得政府之正式承認。故大會後協會任務益繁。乃分部辦事。有總務部、庶務部、城市部、學生部、編輯部、體育部、講演部等等。時王正

廷君爲協會副總幹事。余日章君始爲講演部之主任幹事。

此一時期爲青年會發達極速之時期。已如上述。故青年會事業。社會人士對之不復懷疑。而轉承認其確爲造福利於青年之機關。又在此時期。基督教各公會。始指派各該會之優秀份子。服務於青年會。擔任各項事工。於學生繁盛之區。其例尤著。

第四時期

一九一四至一九二〇年

因第三時期發展之迅速。遂使第四時期。不得不注意於各事之整理。當一九一三年之終。城市青年會已成立者三十處。合計會員一萬一千三百人。學校青年會一百零五處。合計會員三千八百七十六人。以城市青年會之數目言之。本時期中並無增加。顧會員人數。則增至三倍有奇。更有重要者。所有會員。均發生一種新覺悟。對於青年會事業。自視負有經濟協助之責任。故於一九一四年之前。青年會常年經費之來源。會員會費與外界捐助各半。至本時期之末。則會員捐助之數。六倍於前。由外界捐募者。會員繳納會費。各分等級。而捐助之意。卽寓其中矣。換言之。中國各青年會之年費。實際上已完全由會員供給。青年會事業確有甚大之價值。是甯非一有力之例證乎。

此一時期內。爲學生建築新會所者。有廣東之嶺南學校。與香港、日本東京三處。建築市會所者。有天津、太原、杭州、福州、廣州、香港、漢口、煙台八處。同時上海之童子部會所。牯嶺之學生夏令會會所。以及設於上海之協會會所等。亦相繼竣工。當前一時期中。少數青年會之董事部中。尙有一二西人爲董事者。然至本時期。則各青年會之董事。已完全屬於華人矣。此等現象。非特華人所歡迎。卽西人亦深表贊同。蓋此事足證國人漸知青年會爲中國人之青年會。而非外人所有之機關也。

上時期之末。童子部事業初見萌芽。及本時期而發達迅速。有一日千里之概。曾舉行童子事業之全國討論會若干次。按童子事業最重要之成績。卽在其使人明瞭服務之重要。而實行社會服務也。計受其感召而効志願服務之童子與青年。有數千人之多云。

城市青年會之教育事業。在此時期中亦大爲發達。方本時期之始。開辦日校者僅十處。合計學生一千二百四十七人。及本時期之終。則有二十五會設有日夜學校。學生總數四千人。殆四倍於前。

協會講演部在本時期中。特擴張其服務之範圍。除專門的科學演講而外。又預備教育、衛